

久、秋冬乃馬料可賜比女刀禰合若干以下亦同式部大臣判命三輔共稱唯大臣若有所問三輔隨狀辨答次丞錄俱稱唯自下退出輔執版揖出若於曹司廳即亦准此訖修解文進左辨官太政官錄三省所申總目十五日少納言奏之廿日下符大藏省廿二日質明式部二省省掌向大藏省唱計諸司掃部寮設丞錄已下座於藏下丞錄史生各就座大藏省積料錢掃部亦設二省并大藏座於料物下大藏積物畢狀申辨官辨官令官掌喚式兵二省錄稱唯參進辨大夫命諸司馬料早給之錄稱唯退申丞訖引就頒給座丞命云給之史生稱唯諸司主典隨喚稱唯進跪史生宣示物數藏部承命計授隨即且申其數史生記錄大藏亦如是史生申給畢狀即引退出

〔延喜式十九式部〕諸司進馬料文并給

六月十二月下旬文官各總計當司并所管官人上日造簿正月七月三日平旦各令主典申送等事如季祿儀十日質明錄就左辨官版位申曰將申馬料文於上中務兵部亦如之三省輔各率丞錄就太政官版位等事亦如季祿儀廿二日質明省掌向大藏省召計諸司掃部寮設丞錄以下座於藏下丞錄史生就座大藏積料錢掃部寮又設二省并大藏座於其物下大藏積物了狀申辨官令官掌召二省錄稱唯進辨大夫命曰馬料早給錄受宣退申丞訖引就庭座丞命曰給之史生稱唯以次唱給亦如季祿儀史生申訖狀即引退去

諸司馬料

〔享祿本類聚三代格六〕詔官多則政贖人少則事稽故省併量宜委宰期要昔諸司百寮有閑有劇是以資俸賞賜或厚或薄今官既從改賞何依舊宜要劇馬料時服公廩悉革前例普給衆司詳爲條例

大同三年九月廿日又見二日本後紀

〔延喜式十八式部〕馬料

神祇官十人 伯六貫 大副四貫 少副二貫五百文若叙五位者四貫 大祐少祐各二貫五百文 大史少史各二貫二百文 宮主二貫五百文諸宮主准此 卜長上各二貫二百文